

14  
FEB  
HAPPY  
SINGLE  
DAY

# 我迷失在 \* 這場\_× 單身遊戲



以單身男生角度講愛情  
單身時期：迷失、矛盾、習慣、享受  
愛情OS，真人真事，以及愛情陰暗面。

單身  
必看



14  
FEB  
HAPPY  
SINGLE  
DAY



# 我迷失在 \* 這場\_× 單身遊戲

LLH

愛情上邊個冇迷失過





單身緊嘅你點睇自己？

單身嘅人又點睇班有拖拍嘅朋友？

有冇試過畀人話你要求高同收兵？

邊種相處方式先最理想？

你嘅容忍程度去到邊？係咪一個心軟嘅人？

可愛嘅女仔有分加？

旅行有冇嗌過交？

另一半有咩行為係你覺得好難理解？

..... ,

呢本書真係咩都會講吓。



# 序

想做個簡介，新書構思嘅由來係來自自己有一日負能量爆燈，嗰一排唔知咩事係咁畀唔同界別嘅朋友笑我係單身狗，於是我就忍唔住喺instagram分享對於自己單身嘅睇法發洩一下。

冇諗過會有咁多迴響，一夜之間好多單身者表示好有同感，就係咁令我有想寫呢本書嘅衝動。

戴定個頭盔先～～

呢本書並唔係一本大家睇開嘅愛情小說，你話係咪心靈雞湯又唔算。雖則如此，但係書裏面嘅主題都圍繞緊現代社會嘅愛情習慣同觀念，既然唔走感性氣質路線，用返自己嘅另類風格講愛情，或者你都可以得到另一種共鳴。

我會以男生角度去分析同表達自己嘅想法，一個單身嘅人點睇自己甚至別人嘅愛情。或者女生們未必一定認同所有觀點，男生亦可能覺得我不代表佢哋，實屬正常。因為每個人愛情觀本應就係唔一樣，甚至可能將來嘅我都會推翻呢本書嘅某些偉論。

成日話以前點樣好，但始終都要面對現實嘅殘酷，人類愈聰明就愈係複雜，嫌棄、背叛、後悔、貪念不斷循環，而家呢個世代嘅人因為太聰明，太多科技，各種引誘，將呢種聰明同貪念都放喺睇愛情身上，好少人會願意尊重同珍惜。

噏，睇完唔認同唔好嚟搵我呀！我好忙㗎！

# 目錄

序	3	情人習慣	44
<b>我的少年時代</b>	<b>6</b>	禮物	47
一起 MK 的日子	9	外貌協會	49
寫信	11	放閃怪	51
那些年中過的伏	13	分手禮儀	53
知足	15	韓式愛情	55
<b>我所遇的事</b>	<b>16</b>	Stalk 前度	57
迷信（星座）	19	愛情大測試：旅行	59
獨自去偷歡	21	出門交	61
有冇掛住我？	23	理想約會地點	63
唔珍惜嘅結果	25	放屁	65
電影情節	29	習慣	67
男 / 女朋友係管理員	31	分享	69
尷尬	33	幫女朋友影相	71
最奇怪嘅求婚	35	愛情喪禮	73
婚禮	37	朋友分手我好開心	75
加分扣分表	39	偷睇男 / 女朋友電話	77
電燈膽	41	攞住嚟訓	79
我的情人節	43	傾電話	81
		珍惜	83



## 愛情 OS 84

玩失蹤	87
要求高	89
物質感情	91
物質感情 2	93
重色輕友	95
一隻字激嬲男朋友	97
帶男 / 女朋友出嚟	99
懶肉後人	101
女朋友啲姊妹	103
朋友嘅朋友	105
莫須有	107

## 難以理解的人 108

迷信（塔羅 / 睇相）	111
男生不能理解女生的行為	113
奇怪行為	115
出軌冇樣睇	117
忽然 love you	119
落地獄	121
男生不能理解女生的行為	123
第一印象	125

Ptgf	127
可愛女子	129
幼稚男子	131
公常用對白	133
女生不能理解男生的行為	135
契哥契妹	137
女神風情話	139
心軟	141
幽默感	145

## 單身一個人 144

一個人的寂寞（女）	147
一個人的寂寞（男）	149
會錯意	151
寵物	153
自己都唔鍾意自己	155
想太多的人	157
急	159
迷失在這場單身遊戲……*	161
一個人的自由	163
一個人（完）	165
緣。	167



## 我的少年時代

科技一直進步，人嘅關係愈嚟愈差，成個香港應該係冇一個秘密守得住，拍拖變得愈嚟愈多要求，人愈嚟愈唔知足，太多引誘。

唔想講太多以前嘅回憶，好似太老屎忽，好呃like。要細數可以數到半本書，講吓自己一啲經歷同其他嘢好似仲有趣。





有時真係好掛住以前嘅嘢，全部都係回憶，所有嘢都有長大後咁複雜，冇已讀不回，冇咁多app搞亂人與人之間嘅關係。

拍拖都好簡單，睇戲食飯已經好滿足。放學成班人圍威喂，坐吓公園，去網吧打吓機，返到屋企玩吓msn又一天，根本冇而家嘅包袱。大個咗因為踏入另一階段，出嚟社會工作先知人真係好多陰暗面，你以為安守本份就OK，實質好多事都令你覺得大人嘅世界唔簡單。

一起mk的日子

以前就係咁過，  
放咗學唔遊屋企，  
走去蒲公園。



「一起出走感覺多好」  
當年指定mk歌詞。

80後尾、90後頭嘅人以前讀書就係咁過，放學唔鍾意返屋企，鍾意去食吓嘢吹下水，一係就去網吧打機，再唔係就搵個公園做大家嘅老地方，去到公園煲煙嘅煲煙，聽歌嘅聽歌，有時咪拎枝塗改液出嚟寫吓的MK嘢。

當時指定歌詞一定係

「一起出走感覺多好」

「死性我不想改」

「約會未完便掛念」

「何事我會妒忌我會擔心魔鬼搶走你」

「談情說愛是那麼易」

等等等等……

全部都係icq info熱門歌詞，

同埋手機midi鈴聲……。

首首到而家都變成經典。


而家嘅中學生放咗學會做啲咩呢？

# 十幾年前校園生活



LLH ^3^!  
今日一返學就開  
miss lam 捉咗, 話我  
冇刷牙㗎! 頂佢La~  
頭兩堂都像中屎好  
悶牙2-2, 一陣小息見  
啱啦~XD

朱西字 >3<





## 寫信

中學嗰陣唔知邊個帶起咗個潮流，就係寫信，無論係朋友或者曖昧緊嘅對方都會交換。每到小息同lunch就交換，上堂冇嘢做就回信，回信內容同當年xanga內容一樣咁廢，由第一堂數到最尾嗰堂、上堂有幾悶、今日又畀邊個阿sir捉、放學會去邊呢啲無聊到極致嘅廢話，不過人哋對你有好感，你寫乜都sweet㗎啦。

呢件事最無聊嘅地方係寫返畀同班同學，一樣好冇意義嘅小行為都成為咗我哋嘅回憶，如果當年有儲低呢啲信你話幾好呢。

人大咗我就唔會寫情信啦，唔想畀人嫌老土，不過我仍然會寫生日咭同明信片畀朋友，雖然唔係咩特別嘅禮物，但係將來拎返出嚟睇你就知道嗰個價值係屬於回憶。

超準！你和暗戀的人名字評分。

請輸入你及對象名字全名

你

達文西

對象

朱西

送出



你陰我!!!!



十幾年前網絡世界  
真係好多伏中……



N年前上網有好多千奇百怪嘅病毒或者整人嘅網頁，最深刻就係找錯處，找找吓彈隻女鬼出嚟呢類賤格嘢。記得有日朋友喺msn send咗條link畀我玩，揸入去係一個愛情名字評分，打自己同暗戀對象全名就測試到你嘅嘅合襯指數。

見佢註明要中文全名就覺得鬼鬼地，但嗰陣我又暗戀緊個女同學㗎！諗住安全啲打佢個姓出嚟算，OK送出！

「哈哈……傻仔！原來你鍾意朱西同學。」

妖，中伏！

我就亂咁作話隨便打個姓出嚟試吓咋嘛，咁都信！

#當年我中三

#我好蠢

好啱!  
好想試呀!

我想試m記新包...  
(弱弱的問)



吓, 咩事?

好哩予!

I LOVE YOU!



以前食個m記都好滿足  
而家食m記會被嫌棄。

可能

又要老屎忽mode：以前你阿爺我拍拖呀，食餐M記就開心成日㗎！人哋的後生真係嬌生慣養，食普通少少嘅嘢就話人cheap，餐餐食龍蝦好冇？

有人可能會話，唔通餐餐食M記咩？又唔好咁非黑即白，咁當然偶爾會試吓其他餐廳，節日慶祝食好的都理所當然。想表達嘅係有種人平時又嫌茶記污糟噏，傳媒宣傳啲的乜記乜嫂你又去朝聖打卡。

好又一餐唔好又一餐，食完又唔會同一舊心形屎出嚟。有人話好女友會為男朋友荷包著着想，想食龍肉嘅女仔真係唔啱我。

同埋我真係好鍾意食M記、吉邊呢啲平民美食呀！



# 我所遇的事

曾經因為冇咗感覺但對方依然對你好好，嘗試繼續一齊，原來都係冇用。兩個人拖住手會冇感覺，你連錫佢都好似做緊場戲，心裏面好唔舒服，好似辜負咗人咁。當冇咗感覺時幾努力嘗試都冇用，就好似絕症咁冇得醫，等死，好殘酷。

其餘嘅經歷都係自己積積埋埋嘅所見所聞，最深刻都係朋友失戀同埋求婚嘅故事，唔知大家又有冇咩特別又或者搞笑故事想分享？

#歡迎direct我





回顧返自己以前拍拖，同而家嘅自己簡直係兩個人，畢竟而家比以前更識得成熟處事。以前唔識嘛，恃住彼此好似好了解，大家熱戀期，感情好好就一下子衝到盡，每日傾電話傾到暈為止，每個禮拜見幾次，到過咗熱戀期，開始真正了解到對方，嗰種感覺可以話消失就消失，人話變就變，傷害咗別人。後來至反省到原來拍拖唔應該咁急進，唔一定每日重複做一堆愛情工作先叫維繫感情，兩個人一齊需要嘅唔係日見夜見，而係各自有自己生活得嚟心裏面又有着對方。

新朋友

吓...

討論星座...

我係天蠍座！

我



香港女仔十個有九個都會好留意星座，我認同星座命理嘅嘢都幾神奇，好想知道背後嘅真理啊！（離晒題）

如果要選出男人唔明女人十大嘅嘢，我諗星座/迷信應該係頭五位以內，星座聽得多都會略懂一二，但不會十分在意同深入研究。

有次同一個新識嘅女性朋友食飯傾到星座話題，我答佢我係天蠍座，佢即時一副好失望嘅表情「吓」咗聲，我問佢「吓」咩，佢就好隱晦地話有嘢……話佢識親都係天蠍。由佢表示失望嘅表情開始，我成個頭都係問號，佢個種嫌棄、個種對你好失望嘅嘴臉，令我會諗佢係咪覺得我同佢嘅ex係同一類人？

不過是但，我對佢本身都有興趣，哈哈！

其實都唔止一兩次，啲人聽到會話自己ex係天蠍，話天蠍超乞人憎，我表示無奈同無辜，你同我講咁我仲同唔同你做朋友好？何解你會信星座都唔信一啲生勾勾棟嘅你面前嘅事實。

星座只供參考，不能盡信啦，分手又賴人咁個星座，咁你當初又同人咁一齊，真係麻鬼煩。

女朋友  
你做緊咩呀！

冇呀，準備唔咗

女朋友  
咁好啦，gdnight

飲  
咗

11:30 p.m.

飲  
！



男人  
放輕鬆的重要性


有段時間成日放咗工都同我班中同去飲酒，嗰間酒吧好細，來來去去嗰啲人，我哋去只係吹吓水、玩吓當時好興嘅飛鏢機，絕不是嗰種MK場。嗰陣我有女朋友，但佢係一個超級奇怪嘅女仔，亦都係一個大話精，基本上當時已去到幾乎唔會點見嘅關係，因為對住佢心都淡，詳細就唔講了，太荒謬。

站於男女朋友角度，我諗都有人鍾意另一半去酒吧，當時兩個人關係又唔太好，所以我好多時都扮瞞然後就出去同朋友聚會，大家都為着唔同嘅事而煩惱，都離不開事業同感情，不過我同班中同想法唔太一樣，佢哋好着重錢，覺得有錢就可以溝女，可以買到貴嘅嘢證明自己，令佢哋有面子同自豪。而我就覺得錢的確好重要，冇錢好多嘢建立唔到，但要用錢去建立感情基礎就不是我想要嘅愛情啦。

如是者，嗰間酒吧成為咗我哋成班朋友嘅聚腳點，大家一齊懷疑人生，一齊放鬆，一齊灰，一齊笑。好多女仔唔明點解男朋友咁鍾意同班死黨周圍去，適當地放鬆是應該的，前提係要你男朋友行為紀錄良好呀吓。

有冇掛住我！

有！你呢？



## 冇冇掛住我？

曾經有個女朋友好鍾意問：「冇冇掛住我！」  
係，要用感嘆號先表達到個語氣。

初初一齊熱戀期當然話有啦，慢慢就覺得唔對路，啱啱電話先問完，轉個頭見面第一句又問，我又再答有呀！好啦，返到屋企打畀佢又問一次，如是者我長期都要答呢個問題，老實講開始覺得好煩，我女朋友是咪機械人？有時唔係咁夾timing你其實冇個種mood去話掛住佢㗎嘛！我覺得真係好厭，日日好似慣性要講同一句對白先安樂，有次我好大膽咁答：「冇。」結果佢即刻唔出聲，唔開心咗半日，心諗又係你問嘅……。

女仔會覺得呢個行為係好sweet，但男仔就會覺得好煩，你等嗰個男仔真心同你講嗰種喜悅一定大過你日夜咁逼人答啦，講得多就唔珍貴，I love you都唔會日日講啦係咪先？



一齊六年，女方頂唔順要分手。

呢件事發生喺約四年前，男女主角都係我嘅朋友。佢哋由我仲讀緊書嗰陣已經一齊，睇住佢兩個成日打情罵俏咁，其實都好戥佢哋開心。

大家都認定係結婚對象，而佢女朋友都係好恨嫁、想生小朋友嘅女仔。我仲好記得有次仲要陪佢去銀行借錢結婚（乜結婚要借錢㗎咩？？不過唔理啦，都唔關我事）。結果唔記得咩原因銀行係唔批嘅，哈哈！

男嘅係我老死，同我價值觀完全相反，當時佢份炒散日薪都幾高，佢會擺晒啲錢去買LV買潮牌，佢個感覺就係Gucci MK仔圖嗰種啦，一係就擺勁多錢課金打online game，唔返屋企，唔係去機舖打機就係夜晚去我哋聚腳間酒吧飲酒，成件事除咗MK都有更貼切嘅字囉……，因為識咗佢好多年，同埋同佢玩又開心，難得有個了解大家嘅兄弟，唔……可以咁形容嘅。

就係咁日復日，每日佢賺到嘅錢都總係會fing走晒，因為佢覺得賺到錢有本錢，慢慢忽略咗佢女朋友，亦因為佢太習慣太了解女朋友，說好的結婚又唔知用咩藉口拖延咗，但我哋見到佢已經冇咩追潮牌，但就繼續落酒吧hea同人吹水。

（註：其實佢同女朋友都同居咗好耐）

其實我哋有時都會同佢女朋友一齊去酒吧消遣吓，間唔中我朋友都會當佢係豬咁侮辱，其實都幾難聽，但係我朋友角度覺得係講笑，串吓佢啫。但個女仔都忍受得住，我心諗一齊耐咗真係唔會錫佢女朋友㗎嚟？我未拍過咁耐拖真係唔係太明。

冇幾耐個女仔終於忍唔住講分手，原因唔使講啦？

我朋友類到極點，晚晚飲到pat屎咁，作為朋友嘅我哋每晚都出嚟陪佢飲酒，佢好似好有悔意咁，又話自己儲緊錢結婚，只係工作上有啲阻滯乜乜啦，大家都關心佢，但同時我哋幾位巴打都有眼睇，話佢唔爭氣……

我好深刻嘅一幕，個女仔有一晚係酒吧外面，我朋友都係繼續飲，又或者覺得冇面見佢掛。我幾個朋友都出晒去同個女仔講畀多次機會佢啦，佢知錯喇……都一齊咗咁耐啦……

女主角激動喊住咁話：「就係一齊咗咁多年呀，佢咩都畀唔到我呀！我唔要求佢送啲咩畀我，我淨係想要佢錫我咁簡單咋，每日唔係打機就係去飲酒，返到屋企又係掛住打機唔係就扑嘢，完全冇理過我呀！

日日不斷咁洗錢，等佢話結婚都講咗好多次喇！我由18歲到而家就嚟25歲，啲時間畀晒佢，仲想我等佢幾耐呀？」

唉……

畀多次機會㗎...



你都未諗清楚

I know  
that feel  
...



其實由我班朋友勸個女仔嗰時，我已經好唔認同，我心諗唔係呀化仲求情，唔好為幫兄弟而勸先得㗎，真心唔想害咗個女仔，唔係有冇男人之間義氣嘅問題，事實真係唔抵幫。

而我班friend仲繼續勸，個女仔就愈激動，激動在於你班友到底有冇聽過我講乜㗎！！

我只能弱弱地同個女仔講：「我明嘅……我明……」

當下我都好想同佢講，我雖然同個男仔係好好朋友，但你都係我嘅朋友，我唔想偏幫佢而講一堆無謂嘅嘢，你搵過個算啦。

最後我朋友就頹咗好長嘅時間，間酒吧都執Q埋，我哋都有再搵其他地方做聚腳點，之後我都開始離開咗呢個圈子，MK嘅世界真複雜，我永遠唔明佢哋嘅價值觀，所以其他人都唔會特登約我。

到咗今年2018年，喺facebook見到個女仔被求婚了，雖然都有聯絡，但都默默替佢開心，嗚……

# 我迷失在這場單身遊戲

作者

LLH

責任編輯

Na Na

美術設計

Kammy Choi

出版者

知出版社

香港鰂魚涌英皇道1065號東達中心1305室

電話：2564 7511

傳真：2565 5539

電郵：info@wanlibk.com

網址：<http://www.formspub.com>

<http://www.facebook.com/cognizancepub>

發行者

香港聯合書刊物流有限公司

香港新界大埔汀麗路36號

中華商務印刷大廈3字樓

電話：2150 2100

傳真：2407 3062

電郵：info@suplogistics.com.hk

承印者

萬里印刷有限公司

出版日期

二零一八年六月第一次印刷

版權所有 · 不准翻印

Copyright ©2018 Wan Li Book Company Limited.

Published in Hong Kong by Cognizance Publishing, a division of

Wan Li Book Company Limited.

ISBN 978-962-14-6762-1

有時，迷失係因為，諗得太多，  
同埋，受身邊事物影響。

YOU ARE  
NOT  
ALONE



所以，放低執著，唔好諗咁多，  
飲多啲水，別放棄，祝福你。

網上書店



超閱網  
SuperBookcity.com

ISBN 978-962-14-6762-1



9 789621 467621



聯合出版集團

HK\$78.00

Published in Hong Kong

建議上架：流行讀物 / 繪本

